



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 5. Zakona o lokalnoj samoupravi Zeničko-dobojskog kantona ("Sl.novine ZE-DO kantona", broj 13/98 i 8/2000) člana 8. i 9. Statuta Općine Breza ("Službeni glasnik Općine Breza", broj: 8/09 – Prečišćeni tekst) Općinsko vijeće Breza, na sjednici održanoj dana 26.11.2015. godine, d o n o s i

O D L U K U **o zastavi Općine Breza i načinu upotrebe zastave Općine Breza**

I – OPĆE ODREDBE

Član 1.

Ovom Odlukom utvrđuje se izgled, sadržaj likovno rješenje zastave Općine Breza, kao i način upotrebe zastave Općine.

II – IZGLED I SIMBOLIČKO ZNAČENJE ZASTAVE OPĆINE BREZA

Član 2.

Zastava Općine Breza sastoji se od tri boje. Plave u gornjem desnom uglu, zelene u donjem lijevom uglu i bijele koja se pruža dijagonalno.

Plavi dio predstavlja nebo i čisti zrak na okolnim visoravnima.

Bijela linija koja se pruža dijagonalno asocira na rijeku Stavnju koja se probija kroz dolinu Breze i predstavlja prirodnu vezu sa dolinom rijeke Bosne. Bijela boja je simbol mira, čistoće i poštenja.

Bijela boja još simbolizira i mudrost, snagu, nepokolebljivost.

Zeleni dio predstavlja prirodna bogastva na područjima izvan općinskog centra na većoj nadmorskoj visini. Zelena boja simbolizuje život i predstavlja snagu prirode.

Član 3.

Likovno rješenje kao i likovno grafički standard izrade zastave Općine Breza su sastavni dijelovi ove Odluke. Omjer širine i dužine zastave je 1:2.

Član 4.

Grb Općine Breza se nalazi u sredini zastave, sa zlatnom niti, sa unutrašnje strane grba.

III – UPOTREBA I ISTICANJE ZASTAVE

Član 5.

Zastava Općine ističe se:

- na zgradama gdje su smješteni Općinsko vijeće, Općinski načelnik i Općinske službe;
- na dane praznika na zgradama gdje su smješteni organi i službe Općine i na jarbolima duž gradskih ulica;
- u drugim slučajevima pod uslovima i na način određen Zakonom.

Zastava Općine se može isticati:

- na zgradama gdje su smješteni organi i službe Općine u vrijeme svečanosti koje se održavaju u Općini;
- prilikom međunarodnih susreta, takmičenja i drugih skupova na kojima učestvuju Općina ili je na njima prezentovana u skladu sa pravilima i uobičajnom praksom održavanja takvih skupova;
- prilikom proslova svečanosti i drugih masovnih manifestacija i skupova koje su od značaja za Općinu.

Član 6.

Zastava Općine može se upotrebljavati na kulturnim, sportskim, promotivnim i humanitarnim manifestacijama na kojima se predstavlja Općina (u obliku bedža, zastavice, kape, majice i sl. predmeta).

Odobrenje za upotrebu zastave Općine iz predhodnog stava daje Služba za finansije, inspekcijske poslove i opću upravu.

Član 7.

Zastava Općine spušta se na pola koplja u danima žalosti na prostorima Bosne i Hercegovine, Federacije Bosne i Hercegovne, Zeničko-dobojskog kantona i Općine Breza.

Odluku o spuštanju zastave na pola koplja donosi Služba za finansije, inspekcijske poslove i opću upravu.

Član 8.

Zastava Općine ne može se upotrijebiti kao robni ili uslužni žig, model ili uzorak, niti kao bilo koji drugi znak za obilježavanje robe ili usluge.

Član 9.

Kada se zastava Općine ističe zajedno sa zastavom Bosne i Hercegovine, odnosno Federacije Bosne i Hercegovne, odnosno Zeničko-dobojskog kantona isticanje se vrši propisima Bosne i Hercegovine, Federacije Bosne i Hercegovne, Zeničko-dobojskog kantona i Općine Breza.

Član 10.

Zastava Općine čuva se u službenim prostorijama Predsjedavajućeg Općinskog vijeća i prema njoj se vrši oblikovanje zastave Općine.

Član 11.

Zastava Općine ne može se upotrebljavati na javnom mjestu, ako je oštećena, pohabana ili na drugi način svojim izgledom narušava ugled i dostojanstvo Općine.

Oštećena ili za upotrebu nepodobna zastava povlači se iz upotrebe.

IV – KAZNE NE ODREDBE

Član 12.

Pravno lice koja prekrši odredbe članova 5, 6, 7, 8 i 10 ove Odluke kaznit će se novčanom kaznom u iznosu od 500,00 KM.

Odgovorno lice u pravnom licu koja prekrši odredbe članova 5, 6, 7, 8 i 10 ove Odluke kaznit će se novčanom kaznom u iznosu od 200,00 KM.

Fizičko lice koje prekrši odredbe članova 5, 6, 7, 8, 9 i 11 ove Odluke kaznit će se novčanom kaznom u iznosu od 100,00 KM.

Član 13.

Postupak za naknadu štete za prekršajnu odgovornost pokrenut će se i protiv svake osobe koja namjerno ošteti zastavu u vrijeme službene upotrebe.


V – PRELAZNE I ZAVRŠNE ODREDBE

Član 14.

Kontrolu i nadzor nad provođenjem ove Odluke vrši Služba za finansije, inspeksijske poslove i opću upravu.

Član 15.

Ova Odluka stupa na snagu danom objavljivanja u "Službenom glasniku Općine Breza".



Broj: 01/1-02-1699/2014
Breza, 26.11.2015.godine

PREDSJEDAVAJUĆI
Općinskog vijeća
Miro Vrljičak s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu članova 36. i 37. Zakona o principima lokalne samouprave u Federaciji BiH («Službene novine Federacije BiH», br. 49/06 i 51/09), a u vezi sa članom 13. stav 1. tačka c) i stav 3. Zakona o pripadnosti javnih prihoda u Federaciji BiH («Službene novine Federacije BiH», br. 22/06, 43/08, 22/09 i 35/14) i člana 19. tačka 6. Statuta Općine Breza („Službeni glasnik Općine Breza“ broj: 8/09-Prečišćeni tekst), Općinsko vijeće Općine Breza na sjednici održanoj dana 26.11.2015. godine, d o n o s i

O D L U K U
O OPĆINSKIM KOMUNALNIM TAKSAMA

OPĆE ODREDBE

Član 1.

Ovom odlukom propisuju se komunalne takse koje plaćaju pravna i fizička lica za korištenje prava, predmeta i usluga na teritoriji Općine Breza i utvrđuju obveznici, visina, olakšice, rokovi i način plaćanja ovih taksi.

Izrazi koji se u tekstu Odluke odnose na fizičke osobe su rodno neutralni, odnosno podjednako se odnose na osobe oba spola.

Član 2.

Komunalna taksa plaća se za:

- a) svaku istaknutu firmu,
- b) držanje, odnosno korištenje sredstava za igru (bilijar, automati, fliperi, video igre, pikado, aparati za posebne igre na sreću i sl),
- c) držanje žive muzike u ugostiteljskim objektima.
- d) privremeni boravak u hotelima i drugim objektima registrovanim za odmor i noćenja.
- e) Isticanje objava, oglasa i saopštenja na javnim mjestima
- f) korištenje uređaja za pružanje usluga mobilne telefonije

Član 3.

U smislu ove Odluke,

1. pod istaknutom firmom podrazumijeva se ime pod kojim pravno ili fizičko lice posluje,
2. pod držanjem , odnosno korištenjem sredstava za igru (bilijar, automati, fliperi, video igre, pikado, aparati za posebne igre na sreću i sl.) podrazumijeva se priređivanje zabavnih igara gdje nije predviđen novčani dobitak i igara na sreću putem predmeta, elektronskih i mehaničkih aparata, slot-mašina, koji tokom igre ne omogućuju igraču dobit u novcu ili žetonima koji su naplativi u novcu, priređivanje igre klađenja na sportske rezultate i druge izvjesne događaje,
3. pod držanjem žive muzike u ugostiteljskim objektima podrazumijeva se povremeno ili svakodnevno izvođenje muzičkog programa uz pružanje ugostiteljskih usluga,
4. pod privremenim boravkom u hotelima i drugim objektima registrovanim za odmor i noćenja podrazumijeva se privremeni boravak do 30 dana u objektima registrovanim za odmor i noćenja, te kod građana koji izdaju sobe – ležaje turistima,

5. pod isticanjem objava, oglasa i saopštenja na javnim mjestima podrazumijeva se isticanje plakata, panoa, postavljanje stalnih panoa i display-a na javnim mjestima određenim za te namjene,
6. pod korištenjem uređaja za pružanje usluga mobile telefonije podrazumijeva se stavljanje u funkciju baznih stanica mobilne telefonije, mikrobaznih stanica mobilne telefonije, predajnika (pasivnih repetitora), antena i stubova.

Član 4.

Obveznik takse je pravno ili fizičko lice upisano u odgovarajući registar, koje koristi pravo ili predmete za čije korištenje je propisano plaćanje takse ili pruža usluge za čije bavljenje je propisana taksa.

Visina komunalne takse utvrđuje se Tarifom komunalne takse koja je sastavni dio Odluke.

Član 5.

Od plaćanja komunalne takse oslobađaju se:

1. Bosna i Hercegovina i Federacija Bosne i Hercegovine i njeni organi,
2. Zeničko-dobojski kanton i Općina i njihovi organi i službe,
3. Javne ustanove, sportske organizacije, asocijacije i klubovi, humanitarne, vjerske i dobrotvorne organizacije iz osnovne djelatnosti,
4. Udruženja Ratnih vojnih invalida, porodica šehida i poginulih boraca, civilnih žrtava rata, demobilisanih boraca i udruženja penzionera.
5. invalidna lica sa tjelesnim oštećenjem od najmanje 70% uz nalaz i mišljenje nadležne ovlaštene komisije nadležnog ministarstva, a koji obavljaju djelatnost bez upošljavanja tuđe radne snage.

Član 6.

Komunalna taksa predstavlja prihod Općine Breza i uplaćuje se na račun Budžeta Općine.

Član 7.

Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojim se označava da određeno pravno ili fizičko lice obavlja izvjesnu djelatnost ili zanimanje utvrđuje se godišnja taksa.

Ako obveznik takse – pravno ili fizičko lice posluje u više objekata ili poslovnih jedinica, taksu na firmu plaća za svaki objekat ili poslovnu jedinicu na način da se za svaku narednu poslovnu jedinicu ili objekat iznos osnovne tarife takse na firmu umanjuje za 20% u zavisnosti od zone u kojoj se poslovnica nalazi.

Komunalna taksa za stare i tradicionalne obrte propisane Uredbom o zaštiti tradicionalnih i starih obrta ("Sl. novine FBiH" br. 66/09, 38/10 i 16/12) utvrđuje se u iznosu od 50% manjem u odnosu na ostale poduzetnike čija je taksa propisana u članu 12. ove Odluke, osim izuzetaka, a u zavisnosti od zone u kojoj se navedeni obrti nalaze.

Član 8.

Taksa za isticanje firme obračunava se i plaća u godišnjem iznosu.

Obveznik takse na firmu dužan je podnijeti prijavu i uplatiti komunalnu taksu Poreznoj upravi-Kantonalni porezni ured Zenica- Porezna ispostava Breza za tekuću godinu do 20. februara sa stanjem na dan 1. januar.

Izuzetno, obveznik takse na firmu koji počinje sa radom tokom godine (poslije 20.02.) prijavu za plaćanje takse podnosi do kraja mjeseca u kojem je stekao svojstvo obveznika i taksu plaća srazmjerno vremenu obavljanja djelatnosti, odnosno za onoliko mjeseci koliko je firma u toku godine istaknuta. Ukoliko obveznik ove takse prestane sa radom u toku godine, ima pravo na povrat takse za onoliko mjeseci koliko je preostalo poslije dana prestanka rada.

U prijavi se, pored podataka o obvezniku (sjedište ili adresa, ID broj, broj računa, adresa svake istaknute firme, odnosno natpisa, djelatnost), za pravna lica obavezno navode i podaci o vrsti pravnog lica prema veličini (mala, srednja i velika), u smislu podjele prema Zakonu o računovodstvu i reviziji u Federaciji BiH (Sl.novine FBiH broj: 83/09)

Kriteriji za utvrđivanje takse za istaknutu firmu

Član 9.

Visina takse iz prethodnog stava utvrđuje se prema tri kriterija, i to:

- a) statusu obveznika (pravno lice ili poduzetnik) i veličini pravnog lica u smislu Zakona o računovodstvu i reviziji u Federaciji BiH (podjela na velika, srednja i mala preduzeća)
- b) prema zonama u kojima se nalazi poslovna ili druga prostorija, objekat i mjesto na kojem je istaknuta firma,
- c) prema vrsti djelatnosti.

Zone iz prethodnog stava sa ulicama koje ih čine utvrđuju se članom 11. ove Odluke.

Član 10.

Pravna lica se razvrstavaju na mala, srednja i velika prema Zakonu o računovodstvu i reviziji u FBiH, zavisno od pokazatelja utvrđenih na dan sastavljanja finansijskih izvještaja u poslovnoj godini, a prema tri kriterija (visina prihoda, vrijednost imovine i prosječan broj zaposlenika u toku poslovne godine).

U kategoriju velikih pravnih lica prema Zakonu o računovodstvu i reviziji u F BiH ulaze i sljedeća pravna lica: banke, mikro-kreditne organizacije, štedno-kreditne zadruge, društva za osiguranje, leasing društva, društva za upravljanje investicionim fondovima, obaveznim odnosno dobrovoljnim penzionim fondovima, brokersko-dilerska društva i druge finansijske organizacije. Ovom Odlukom utvrđuju se djelatnosti koje obavljaju privredni subjekti koje predstavljaju posebnu kategoriju, odnosno grupe pravnih lica i poduzetnika za koje se primjenjuje posebna tarifa, a u različitim iznosima prema zonama u kojima se nalaze objekti ili prostorije u kojima ti subjekti obavljaju djelatnost.

Član 11.

Utvrđuju se sljedeće zone sa ulicama kako slijedi:

- a) Extra zona : ulica Alije Izetbegovića, Bosanska ulica, Trg rudara, Hasana Kafije, ZavnoBiH-a, Bogumilska i Titova,
- b) I zona: Šehidska, Branilaca grada, Rudarska, Mahala, Potkraj, Šaš, Vrbovik, Podžupča, Desitijatska, Filipa Lastrića, Džemala Bijedića, 6. april, Patriotske lige, Žrtava genocida Srebrenice, Odred Sretno, Založje, Mehmeda Spahe, 29. april.
- c) II zona: Tičija, Stari most, Ismeta Šarića, Mustafe Keškića, Nikole Škobića, Bošnjačka, Zeleni put, Odred Plana, Nefići, Novo naselje, Smailbegovići, Jame, Mamele, Dinarevići, Stara džamija, Kahve, Putina, Hamdije Čemerlića, Salke Bešlagića, Bate.
- d) III zona koju čine ulice koje se nalaze na području općine Breza, a nisu obuhvaćene prethodno navedenim zonama.

**TARIFA OPĆINSKIH KOMUNALNIH TAKSI
TARIFNI BROJ 1.**

Član 12.

**A) PRAVNA LICA PREMA VELIČINI I PODUZETNICI -
OBRTNICI**

zone	velika pravna lica (osim izuzetaka)	Srednja pravna lica	mala pravna lica	Poduzetnici (osim izuzetaka)
ekstra zona (100%)	1.400,00 KM	800,00 KM	500,00 KM	250,00 KM
I zona (cca80%)	1.120,00 KM	640,00 KM	400,00 KM	200,00 KM
II zona (cca70%)	980,00 KM	560,00 KM	300,00 KM	150,00 KM
III zona (cca60%)	840,00 KM	480,00 KM	200,00 KM	100,00 KM

**B) IZUZECI – POSEBNE GRUPA PRAVNIH LICA I
PODUZETNIKA**

Naziv djelatnosti pravnih lica	Šifra djelatnosti	zone	Iznos takse
I GRUPA PRAVNIH LICA			
Lutrija, igre na sreću, sportske kladionice	92.0		
Telekomunikacije,mobilne,telefonske i satelitske usluge	61		
Proizvodnja i distribucija el. energije	35.1		
Noćni barovi i diskoteke	56.3		
	Rasponi iznosa po zonama:		
	100 %,	ekstra zona	1.600,00 KM
	80%	I zona	1.280,00 KM
	70%	II zona	1.120,00 KM
	60%	III zona	960,00 KM
II GRUPA PRAVNIH LICA - KAO VELIKA PRAVNA LICA			
Proizvodnja i promet nafte i naftnih derivata	46.71, 47.3		
Proizvodnja i trgovina duhanom izuzev kioska	12.0, 46.35, 47.26		
PTT	53.1		
Banke, osiguranje i finansijske organizacije	64,65,66		
Hoteli i moteli	55.1		
		ekstra zona	1.500,00 KM
		I zona	1.200,00 KM
		II zona	1.050,00 KM
		III zona	900,00 KM
Po svakom bankomatu banaka	64	ekstra zona	500,00 KM
		I zona	400,00 KM
		II zona	350,00 KM

		III zona	300,00 KM
III GRUPA PRAVNIH LICA KAO MALA	PRAVNA	LICA	
Trgovina na malo u kioscima	47.		
		ekstra zona	300,00 KM
		I zona	240,00 KM
		II zona	210,00 KM
		III zona	180,00 KM
I GRUPA DJELATNOSTI FIZIČKIH LICA	Šifra djelatnosti	zone	Iznos takse
notari	69.1		
		ekstra zona	1.200,00 KM
		I zona	960,00 KM
		II zona	840,00 KM
		III zona	720,00 KM
II GRUPA DJELATNOSTI FIZIČK. LICA			
Advokati	69.1		
Agencije za poslovanje nekretninama	68		
Privatna zdravstvena i stomatološka praksa	86.2		
Privatne apoteke	47.73		
		ekstra zona	1.000,00 KM
		I zona	800,00 KM
		II zona	700,00 KM
		III zona	600,00 KM
III GRUPA DJELATNOSTI FIZIČ. LICA			
OBRTI mesarski, zlatarski	10.1,47.22, 32.12		
Knjigovodstveni servisi	69.2		
Noćni barovi i diskoteke, hoteli i moteli	55.1, 56.3	ekstra zona	300,00 KM
		I zona	240,00 KM
		II zona	210,00 KM
		III zona	180,00 KM

- B) UDRUŽENJA GRAĐANA 50,00 KM BEZ OBZIRA NA ZONU**
- C) ZA SVAKU ISTAKNUTU FIRMU, OZNAKU, OBILJEŽJE ILI NATPIS NA POKRETNIM OBJEKTIMA, KOJIM SE OZNAČAVA DA ODREĐENO FIZIČKO LICE OBAVLJA IZVJESNU DJELATNOST ILI ZANIMANJE PLAĆA SE GODIŠNJA TAKSA U IZNOSU OD 50,00 KM (odnosi se na djelatnosti, odnosno zanimanja koja se obavljaju u pokretnim objektima kao npr. prevoz putnika u redovnom drumskom saobraćaju, taksli služba, prevoz robe i tereta u drumskom saobraćaju i sl.)**
- E) ZA SVAKU ISTAKNUTU FIRMU, OZNAKU, OBILJEŽJE ILI NATPIS KOJIM SE OZNAČAVA DA ODREĐENO FIZIČKO LICE OBAVLJA POLJOPRIVREDNU DJELATNOST ILI ZANIMANJE, PLAĆA SE GODIŠNJA TAKSA U IZNOSU OD 50,00 KM.**

TARIFNI BROJ 2.**Član 13**

Za držanje sredstava za igru (bilijar, karte za igru, fliperi, automati, video igre i aparati za posebne igre na sreću) plaća se godišnje po jednom komadu, aparatu, odnosno predmetu 200,00 KM.

Prijava takse za držanje sredstava iz stava 1. ovog člana podnosi se na isti način, istom organu i u istom roku kao i prijava takse na firmu iz člana 6. stav 2. Odluke.

TARIFNI BROJ 3.**Član 14.**

Za držanje žive muzike, koncerte, scenske nastupe i sl. plaća se:

150,00 KM po svakom nastupu za estradne umjetnike i druge izvođače koji su u prethodnoj godini ostvarili dohodak u iznosu većem od 5.000 KM po godišnjoj prijavi poreza na dohodak (GPD-1051).

U slučajevima kad je dohodak iz prethodnog stava u manjem iznosu od 5.000,00 KM, iznos takse po svakom nastupu je 100,00 KM.

Taksu je dužan platiti isplatac/organizator istovremeno sa podnošenjem prijave nadležnoj poreznoj ispostavi – Ispostava Breza.

Uz prijavu se podnosi dokaz o ostvarenom dohotku u prethodnoj godini pribavljen od nadležnog poreznog ureda (domaćeg ili inostranog).

Prijava se podnosi u roku od 3 dana prije održavanja samog događaja.

Član 15.

Za držanje žive muzike u ugostiteljskim objektima plaća se:

b) dnevno 40 KM radnim danima,

c) dnevno 80 KM u dane vikenda.

Prijava za držanje žive muzike podnosi se Poreskoj upravi- Ispostavi Breza 3 dana prije početka držanja žive muzike. Obveznici koji u svom sastavu imaju više objekata u kojima se drži muzika plaćaju taksu za svaki objekat posebno.

TARIFNI BROJ 4.**Član 16.**

Za privremeni boravak do 30 dana u objektima registrovanim za odmor i noćenja te od građana koji izdaju sobe – ležaje turistima plaća se dnevno taksa u iznosu od 2,00 KM.

Obveznici iz prethodnog stava dužni su utvrđenu taksu obračunati i uplaćivati svakog prvog u mjesecu u korist računa komunalnih taksi za Općinu Breza.

Od plaćanja takse oslobođena su lica predviđena članom 3. Uredbe o boravišnoj taksi ("Službene novine Federacije BiH", broj: 23/96).

TARIFNI BROJ 5.**Član 17.**

Za isticanje objava, oglasa i saopštenja na javnim mjestima plaća se jednokratna taksa i to:

1. Za seriju do 100 komada 50,00 KM,

2. Za seriju preko 100 komada 100,00 KM,

3. Za postavljanje stalnih panoa i display-a po 1m² 10,00 KM.

Isticinja objava, oglasa i saopštenja na javnim mjestima vrši se u skladu sa odredbama Odluke o komunalnom redu.

TARIFNI BROJ 6.**Član 18.**

Za korištenje uređaja za pružanje usluga mobilne telefonije plaća se godišnja taksa i to:

1. Bazna stanica mobilne telefonije 4.000,00 KM/godišnje,
2. Mikrobazna stanica mobilne telefonije 2.000,00 KM/godišnje,
3. Predajnici (pasivni repetitori), antene i stubovi 1.000,00 KM/godišnje.

NADZOR**Član 19.**

Nadzor nad provođenjem ove Odluke u pogledu prijave, obračuna i plaćanja takse, kao i prinudnu naplatu u slučaju neplaćanja vrši nadležni porezni ured na teritoriji Općine Breza.

KAZNENE ODREDBE**Član 20.**

Novčanom kaznom u iznosu od 2.000,00 KM kazniće se za prekršaj pravno lice koje u roku propisanom članom 8. i 13. Odluke ne prijavi ili ne plati taksu.

Novčanom kaznom u iznosu od 1.000,00 KM kazniće se za prekršaj odgovorno lice u pravnom licu koje u roku propisanom članom 8. stav 2. i 3. Odluke ne prijavi ili ne plati taksu.

Novčanom kaznom u iznosu od 500,00 KM kazniće se za prekršaj fizičko lice koje u roku propisanom članom 8. i 13.. Odluke ne prijavi ili ne plati taksu.

ZAVRŠNE ODREDBE**Član 21.**

Za provođenje ove Odluke zadužuje se Kantonalni porezni ured Zenica, Poreska ispostava Breza za sve tarifne brojeve.

Član 22.

Svi obveznici plaćanja takse na istaknutu firmu kojima je u rješenju o registraciji kao sjedište firme ili poslovnice upisan stari naziv ulice, podlliježu obavezi plaćanja takse u skladu sa Odlukom o određivanju naseljenih mjesta u kojima je obavezno određivanje imena ulica na području općine Breza-Prečišćen tekst (Sl. glasnik Općine Breza br.14/14) u zavisnosti od zone u kojoj se nalaze, a koje su propisane članom 11. Ove odluke.

Član 23.

Danom stupanja na snagu ove Odluke prestaje da važi Odluka o komunalnim taksama Općine Breza („Službeni glasnik Općine Breza, br.14/14 – Prečišćeni tekst).

Član 24.

Ova Odluka stupa na snagu naredni dan od dana objavljivanja u „Službenom glasniku Općine Breza“, a primjenjivat će se od dana 01.01.2016. godine.

Broj: 01/1-02-2580/15
Breza, 26.11.2015. godine

PREDSJEDAVAJUĆI:
Općinskog vijeća
Miro Vrljićak s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 363. stav 3. tačka 5. Zakona o stvarnim pravima Federacije BiH ("Službene novine FBiH", broj: 66/13 i 100/13) i člana 4.C Pravilnika o postupku javnog konkursa za raspolaganje nekretninama u vlasništvu Federacije BiH, kantona , općina i gradova („Službene novine F BiH“, broj: 17/14) i člana 19. tačka 2. Statuta Općine Breza ("Službeni glasnik Općine Breza", broj 8/09 Prečišćeni tekst), Općinsko vijeće Breza na sjednici održanoj dana 26.11.2015. godine, d o n o s i

ODLUKU

o prodaji gradskog građevinskog zemljišta

Član 1.

Daje se saglasnost Općinskom načelniku da izvrši prodaju gradskog građevinskog zemljišta Zaimović (Zahid) Abidu, neposrednom pogodbom, radi oblikovanja građevinske čestice, u svrhu dogradnje postojećeg poslovnog prostora imenovanog, koje se nalazi u Brezi i označeno je kao k.č. br. 957/75 k.o. Smrekovica (s.p), a što odgovara k.č. br. 759/5 k.o. Breza (n.p.), u površini od 112 m².

Član 2.

Zemljište iz prethodnog člana označeno kao k.č. br. 957/75, zvano "Gradilište – neplodno", upisano je u zk. uložak br. 568 k.o. Smrekovica (s.p), kao vlasništvo Općine Breza sa dijelom 1/1), a u katastarskom operatu označeno je kao k.č. br. 759/5, pl. br. 7., k.o. Breza, upisano je na ime i u korist Općine Breza sa dijelom 1/1.

Član 3.

Neposrednom pogodbom između Općine Breza, kao prodavca i Zaimović Abida, kao kupca, izvršit će se prodaja predmetne parcele po ukupnoj cijeni od 72.800,00 KM.

Član 4.

Općinski načelnik će s kupcem zaključiti odgovarajući ugovor u formi notarski obrađene isprave, a kupac je dužan da u roku od 8 (osam) dana od dana zaključenja navedenog ugovora Općini Breza uplati ukupnu cijenu zemljišta utvrđenu u članu 3. Odluke.

Član 5.

Troškove zaključenja kupoprodajnog ugovora i obavezu plaćanja poreza na promet nepokretnosti, kao i sve druge troškove snosi kupac.

Član 6.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-2628/15
Breza, 26.11. 2015. godine

PREDSJEDAVAJUĆI:
Općinskog vijeća
Miro Vrljičak s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. alineja 5. Zakona o principima lokalne samouprave ("Službene novine FBiH", broj 49/06 51/09) i člana 115. stav 2. Statuta općine Breza ("Službeni glasnik općine Breza", broj 8/09 - Prečišćeni tekst), Općinsko vijeće Breza na sjednici održanoj dana 26.11.2015 godine, d o n o s i

O D L U K U

o izmjeni i dopuni Odluke o privremenom zauzimanju javnih površina na području općine Breza

Član 1.

U Odluci o privremenom zauzimanju javnih površina na području Općine Breza ("Službeni glasnik općine Breza", broj 14/14 Prečišćeni tekst), član 4.se mijenja i glasi:

„ Javne površine mogu se davati na privremeno korištenje po zahtjevu stranke i po službenoj dužnosti, a u skladu sa članom 3. ove Odluke.

Odobrenje za zauzimanje javne površine za postavljanje ljetnih bašta može se izdati za period od 15.04. do 31.10. tekuće godine“.

Član 2.

Ova Odluka stupa na snagu narednog dana od dana objavljivanja u "Službenom glasniku općine Breza".

Broj: 01/1-02-2582/15
Breza, 26.11.2015. godine

PREDSJEDAVAJUĆI:
Općinskog vijeća
Miro Vrljičak s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2638/15
Breza, 26.11.2015.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Budžeta Općine Breza za 2016.godinu, Općinsko vijeće Breza na sjednici održanoj dana 26.11.2015.godine, donosi

ZAKLJUČAK

I

UTVRĐUJE SE Nacrt Budžeta Općine Breza za 2016.godinu.

Po utvrđenom Nacrtu Budžeta Općine Breza za 2016.godinu sprovesti javnu raspravu sa vijećnicima i svim korisnicima Budžeta Općine Breza.

II

Javnu raspravu sprovesti u periodu od 26.11.2015. do 25.12.2015.godine

III

Za realizaciju zaključka zadužuje se Općinski načelnik i Služba za finansije, inspekcijske poslove i opću upravu.

Dostavljeno:
1x Služba za finan.insp.posl.i opću upr.
1x Općinski načelnik,
1x 01/1,
1x a/a.

PREDSJEDAVAJUĆI:
Općinskog vijeća
Miro Vrljičak s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Broj: 01/1-02-2587/15
Breza, 26.11.2015.godine

Na osnovu člana 115. stav 3. Statuta Općine Breza („Službeni glasnik Općine Breza“, broj 8/09 – Prečišćeni tekst), prilikom razmatranja Informacije o rezultatima javnog nadmetanja - licitacije po oglasu o prodaji gradskog građevinskog zemljišta za izgradnju individualnih stambenih objekata Općinsko vijeće na sjednici održanoj dana 26.11.2015.godine, d o n o s i

ZAKLJUČAK

o usvajanju Informacije o rezultatima javnog nadmetanja - licitacije po oglasu o prodaji gradskog građevinskog zemljišta za izgradnju individualnih stambenih objekata objavljenog 14.10.2015 godine, po odluci Općinskog vijeća broj.01/1.31.2203/15 od 30.09.2015 godine

I

Usvaja se Informacija o rezultatima javnog nadmetanja - licitacije po oglasu o prodaji gradskog građevinskog zemljišta za izgradnju individualnih stambenih objekata objavljenog 14.10.2015 godine, po odluci Općinskog vijeća broj.01/1.31.2203/15 od 30.09.2015 godine

II

Zaključak objaviti u „Službenom glasniku“ Općine Breza.

DOSTAVLJENO:

1x Služba za prostorno uređenje,
1x 01/1
1x Arhiva

PREDSJEDAVAJUĆI
Općinskog vijeća
Vrljičak Miro s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Broj: 01/1-02-2588/15
Breza, 26.11.2015.godine

Na osnovu člana 115. stav 3. Statuta Općine Breza („Službeni glasnik Općine Breza“, broj 8/09 – Prečišćeni tekst), te zahtjeva Džanko (Alija) Hamida i prijedloga Općinskog načelnika, Općinsko vijeće Breza na sjednici održanoj dana 26.11.2015.godine, d o n o s i

ZAKLJUČAK

I

Da se iz Budžeta Općine Breza za 2015/2016 godinu iz budžetske rezerve dodjeli novčani iznos od 3.000 KM (tri hiljade konvertibilnih maraka) raseljenom licu Džanko (Alija) Hamidu.

Novčani iznos uplatiti na broj žiro-računa 1601157010011440 Vakufska banka.

II

Za realizaciju ovog Zaključka zadužuje se Služba za finansije, inspekcijske poslove i opću upravu.

III

Zaključak objaviti u „Službenom glasniku“ Općine Breza.

DOSTAVLJENO:

1x Služba za finansije, insp. posl. i opću upr.,
1x Džanko (Alija) Hamid,
1x 01/1
1x Arhiva.

PREDSJEDAVAJUĆI

Općinskog vijeća
Vrljičak Miro s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće
Broj: 01/1-02-2560/15
Breza, 26.11.2015.godine

Na osnovu člana 115. stav 3. Statuta Općine Breza („Službeni glasnik Općine Breza“, broj 8/09 – Prečišćeni tekst), prilikom rasprave o vijećničkim pitanjima na prijedlog vijećnika Sokić Dževahida, Općinsko vijeće Breza na sjednici održanoj dana 26.11.2015.godine,
d o n o si

ZAKLJUČAK**I**

Da se formira radno tijelo koje će sačinjavati Predsjednici klubova parlamentarnih stranaka koji participiraju u Općinskom vijeću Breza.

II

Zadatak radnog tijela je da izvrši pregled dokumentacije i toka realizacije projekta Spomen obilježja šehidima i palim borcima Općine Breza, te o istom izvijesti Općinsko vijeće.

Za realizaciju Zaključka zadužuje se Stručna Služba Općinskog vijeće Breza

III

Zaključak objaviti u „Službenom glasniku“ Općine Breza

DOSTAVLJENO:

1x Stručna Služba Općinskog vijeće.,
1x Preds.klubova parlam. stranaka,
1x 01/1,
1x Arhiva.

PREDSJEDAVAJUĆI

Općinskog vijeća
Vrljičak Miro,s.r.

S A D R Ź A J

- 175. Odluka o zastavi Općine Breza i načinu upotrebe zastave Općine Breza.
- 178. Odluka o Općinskim komunalnim taksama.
- 185. Odluka o prodaji gradskog građevinskog zemljišta.
- 186. Odluka o izmjeni i dopunama Odluke o privremenom zauzimanju javnih površina na području općine Breza.
- 187. Zaključak o utvrđivanju Nacrta Budžeta Općine Breza za 2016.godinu.
- 188. Zaključak o usvajanju Informacije o rezultatima javnog nadmetanja - licitacije po oglasu o prodaji gradskog građevinskog zemljišta.
- 188. Zaključak o dodjeli novčanih sredstava Džanko (Alija) Hamidu.
- 189. Zaključak o formiranju radnog tijela

